



**Uunga siunnersuut: Filmiliortarnej pillugu Inatsisartut inatsisaat**

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

(Siullermeerneqarnera)

Qujanaq Naalakkersuisut siunnersuummut.

Assut nuannaarutigaa, filmiliortarnej pillugu siunnersuut una uatsinnut ullumikkut saqqummiunneqarmat. Tulluusimaalaarlunga aamma oqartariaqarpunga.

Tassami taamani 2022-imi Inatsisartunut siunnersuuteqarpunga nunatsinni filmiliortarnerup nukittorsarneqarnissaanik. Siunnersuutiga akuerineqarpoq nalunaarusiornermillu kinguneqarluni, ullumikkut siunnersuummut oqaluuserisassatsinnut tunngaviliisumik.

Uannut pingaaruteqarneranut pissutaavoq, maani nunatsinni filmiliortarnermut pikkorissorpassuarnik piukkunnartorpassuarnillu takusaqarluarsinnaagama. Kalaallit filmiliaat kalaallillu filmiliortartut nunani assigiinngitsuni akissarsisarput, nunani allani annertuumik nersorniarneqarlutik pitsaasunik sanasarnertik pillugu. Isumaqarpunga, tulluusimaarnissamut pissutissaqarluartoq. Sulianut naammassisannullu assorsuaq pikkuginnippunga, nunaatsinni filmiliortartutta pilersitaannut atugassarititaasut pissutsillu pitsaanerpaajungikkaluartut pilersissimasaannut.

Taamaattumillu assorsuaq qilanaarpunga takunissaanut, suut filmiliortartutta pikkorissut pissutsit pitsaanerusut atulernerini pilersissinnaasaannut uuma inatsisip periarfissiineranit. Filmiliat amerlanerit filmiiallu pitsaanerusut tamatsinnut pitsaasuussapput. Filmiliortarnej ingerlalluartoq nunatsinnit tusaamasangortitsiinnaranilu pilersaarutaanginnarani, aammali tamatta filmertarfinni skærminilu allarpasuarni nuannersunik misigitassavaatigut.

Siunnersuummulli isumakuluutigisama ilagaat, filmiliornej akisoorujorujussuummat, taamaattumillu qularutigisinnaallugu, ilumut sananeqarumaartussanut tapersersuutitut aningaasanik naammattunik immikkoortitsisoqarsimanersoq. Tamanna maani inatsisartuni sukumiisumik isummorsorfigisariaqarparput sapinngisamik nunatsinni filmiliornermik ingerlatallit kinguneqartussamik pitsaasumillu isummersoqatiginerisigut. Suliap taassuma akuuffiginissaanut qilanaarpunga.

Siunnersuut taakkunannga oqaaseqaatitalerlugu Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliareqqitassatut innersuupparput.